

JAVNI POZIV

za izbor konsultanta/ice za izradu analize o primjeni Zakona o javnim nabavkama sa preporukama za jedinice lokalne samouprave

Uvod

Savez općina i gradova Federacije Bosne i Hercegovine (u daljem tekstu: Savez) objavljuje Javni poziv za izbor konsultanta/ice za izradu analize o primjeni Zakona o javnim nabavkama („Službeni glasnik BiH“, br. 39/14, 59/22 i 50/24) sa preporukama za jedinice lokalne samouprave.

Ovu aktivnost Savez provodi u okviru realizacije Projekta „Jačanje demokratskih inovacija i promicanje ljudskih prava na lokalnom nivou u Bosni i Hercegovini: faza I” u saradnji sa Kongresom lokalnih i regionalnih vlasti Vijeća Evrope u Bosni i Hercegovini.

Projektne aktivnosti se implementiraju u okviru Memoranduma o razumijevanju zaključenog 19.09.2022. godine između Saveza općina i gradova Federacije Bosne i Hercegovine, Saveza opština i gradova Republike Srpske i Kongresa lokalnih i regionalnih vlasti Vijeća Evrope s ciljem jačanja demokratskih inovacija, promocije ljudskih prava i unaprjeđenja upravljanja na lokalnom nivou u Bosni i Hercegovini.

Pozadina zadatka

Javne nabavke – nabavka robe, usluga i radova od strane javnih tijela – predstavljaju jednu od oblasti u kojoj je provedba pravila EU dovela do problema i propuštenih prilika u drugim zemljama. Pravilna primjena postupaka za osiguravanje nediskriminacije, transparentnosti i jednakog tretmana zahtijeva stručno znanje i resurse. Vlasti u zemlji to ponekad otežavaju usvajanjem strožijih procedura. Konkretni rizik koji se javlja sa intenzivnijom provedbom pravila je naglo povećanje broja pravnih žalbi u slučajevima povreda pravila postupaka. Obzirom da se vlasti već suočavaju sa poteškoćama po pitanju žalbi na višim nivoima vlasti, to bi moglo dovesti do paralizirajućih kašnjenja i troškova. A općine pri tome gube više, obzirom da troškovi i složenost sistema odnose veći dio budžeta za manje institucije koje vrše nabavke. Postoji potreba za obučanim i kvalificiranim službenicima za nabavke na lokalnom nivou u svrhu unaprjeđenja provođenja postupaka javnih nabavki u jedinicama lokalne samouprave.

Opis zadatka

Zadatak uključuje analizu postojećeg sistema provođenja postupaka javnih nabavki u smislu zakonske regulative i primjenu u praksi, s naglaskom na identifikovanju problema u procesu provođenja postupaka javnih nabavki u Bosni i Hercegovini i jedinicama lokalne samouprave u FBiH.

Potrebno je analizirati provođenje postupaka javnih nabavki na konkretnim primjerima iz nekoliko općina i gradova u FBiH kako bi se identifikovale poteškoće i problemi sa kojima se suočavaju lokalne zajednice. U skladu s tim, potrebno je opisati trenutni način provođenja postupaka javnih nabavki, analizirati način na koji jedinice lokalne samouprave provode postupke javnih nabavki, analizirati razloge za podnošenje prigovora, te definisati uzroke problema u provođenju postupaka javnih nabavki. Pripremljenu analizu sa preporukama, konsultant/ica je u obavezi prezentirati relevantnim tijelima i organima Saveza.

Metodologija

Konsultant/ica može predložiti metodologiju koja uključuje desk research, fokus grupe i pojedinačne intervjuje. Potrebno je intervjuisati najmanje 7 JLS, od kojih su dvije iz grupe nerazvijenih, tri iz grupe srednje razvijenih i dvije iz grupe razvijenih JLS. Pored ovoga, konsultant će obaviti intervjuje i sa Agencijom za javne nabavke BiH.

Rezultati i vremenski okvir

Cilj analize je da se odgovori na pitanje sa kakvim problemima se susreću jedinice lokalne samouprave prilikom provođenja postupaka javnih nabavki, te da se daju preporuke za unaprijeđenje provođenja postupaka javnih nabavki u jedinicama lokalne samouprave.

Od konsultanta/ice se očekuje da u dogovoru sa SOGFBiH pripremi plan aktivnosti za predviđene rezultate. Broj konsultantskih dana ne može preći 16 radnih dana.

Profil i kvalifikacije konsultanta/ice

Zainteresovani kandidati/kinje trebaju posjedovati sljedeće kvalifikacije:

Akadske kvalifikacije/obrazovanje

- Univerzitetska diploma iz oblasti društvenih nauka. Prednost imaju kandidati sa završenim pravnim i ekonomskim fakultetom

Radno iskustvo

- Najmanje 5 godina relevantnog radnog iskustva nakon sticanja visoke stručne spreme
- Dokazano iskustvo u pripremi i izradi analiza

Ostalo

- Tečno poznavanje BHS jezika (odlične vještine pisanja i komunikacije)
- Napredni nivo poznavanja rada na računaru (MS Office aplikacije)
- Komunikacijske, prezentacijske i zagovaračke vještine

Dostava dokumentacije uz prijavu

Zainteresovani kandidati/kinje su dužni dostaviti sljedeću dokumentaciju:

1. Biografiju (CV) sa posebnim naglaskom na oblast javnog poziva;
2. Motivaciono pismo sa referencom na relevantno iskustvo;
3. Kopiju diplome;

Rok za dostavljanje potrebne dokumentacije je 10.02.2025.godine .

Navedenu dokumentaciju je potrebno dostaviti na jednom od zvaničnih jezika u Bosni i Hercegovini na adresu:

Savez općina i gradova Federacije Bosne i Hercegovine

(Naznačiti: za javni poziv za izbor konsultanta/ice za izradu analize o primjeni Zakona o javnim nabavkama sa preporukama za jedinice lokalne samouprave)

Musala 5/I

71000 Sarajevo

i putem e-mail adrese: savez@sogfbih.ba